

Il projet al è stât ideât par cure de referente dal sportel linguistic intercomunâl Dorotea De Marco

Un dai aspjets plu i enfatizâts tes criticchis aes iniziativis a pro de lenghe furlane al è chel de 'utilitât'.

No je cheste la sede par fâ la liste dai principis che a son ae fonde dai dirits linguistics, ancje parcè che in di vuê al varès di jessi aromai passât il timp dal 'scugnî justificâsi', ma o cjapìn la ocasion par segnalâ une iniziativa educative e ambientâl tal Friûl di Mieç, che e sarà presentade in curt e che e dimostre che la lenghe furlane e pues jessi une oportunitât virtuose.

O vin sintût **Geremia Gomboso**, sindic di Listize, che nus à dât cualchi anticipazion sul projet.

Di ce fevelie la campagne che o presenterês?

"Si trate di une iniziative di educazion ambientâl, dute par furlan, par promovì l'abitudin a riciclâ, al recupear energjetic e a sparagnâ".

Cuâi sono i Comuns coinvoltis?

"Listize, Cjasteons di Strade, di Morteon e di Talmassons, che za a colaborin par altris iniziati-



In ce consistie?

"O vin preparât e realizât i totem, dulà che a son previodûts i spazis pes publicitâts sul teme. A saran posizionâts sul teritori, in particular tai 4 municipis, tes 4 bibliotechis e tes jentradis des scuclis. Cun di plui, a ogni arlêf al sarà consegnât un cuader, scrit par furlan, dulà che un supereroi al spiegherai ai fruts lis

Comuns riciclons tal Friûl di Mieç

Listize, Cjasteons di Strade, Morteon e Talmassons a partecipin ae iniziative di educazion ambientâl dute par furlan. » DI CHRISTIAN ROMANINI

vis. Cjâffile al è il Comun di Listize".

A cui ise indreçade cheste comunicazion?

"E je par ducj i arlêfs des scuclis primariis di prin grât di cuarte e di cuinte, ma ancje a chei des classis primis des primariis di secont grât: o fevelin di passe 600 students dai 4 comuns".

resons di cheste iniziative. Dentri a son ancje cjartis di zûc cun domandis e rispuestis sul teme e la storie dai singui Comuns. E a ducj e sarà consegnade ancje une pene promoziônâl cun parsore une scrite cu lis finalitâts de iniziative. A partecipin la Provincie di Udin, l'Istitût ladin furlan 'pre Checo Placerean' e Legambiente che cui 4 Comuns le àn patrocinade".

Dulà vèso cjatadis lis risorsis?

"Dute la iniziative e je paide cui fonts de Leç 482 che e promôfs ancje l'ûs de lenghe furlane te comunicazion dai ents publics".

Vèso altris iniziativis pe promoziôn dal furlan?

"Su dutis o ricuardi il sportel linguistic intercomunâl, che al coordene la ativitât tai 4 comuns Listize, Cjasteons di Strade, di Morteon e di Talmassons".

✉ ilfriuli@ilfriuli.it

TIERCE PONTADE

Gnove videovuide dal Ente Friuli nel mondo

Dopo de prime version furlan - talian di 'Pillole di friulano' e chê seconde 'Pils of Friulian' furlan - inglese, Ente Friuli nel mondo al presente 'Perlas de friulano' la version furlan - spagnûl de videovuide di conversazion 'Blecs', ideade e realizade di **Massimo Garlatti Costa**.

Protagoniscj des 24 pontadis a son doi fradis, **Erika Elisabetta Sluizar** e **Sergio Gabriel Sluizar**, fis di di **Diadema Sternischia**, ative te Sociedad Friulana de Buenos Aires dal 1965 al 1982 e po tornade a Glemone.

La version numar 3 di 'Blecs' e sarà presentade miercus ai 29 di Otubar a Udin li di palaç Belgrât aes 11: dopo dai salûts di **Pietro Fontanini**, president de Provincie, a intervignaran **Pietro Pittaro**, president di Ente Friuli nel mondo; pe Universitât dal Friûl **Alessandra Burelli**, che cun **Maria Luisa Ciattei** e à supervisionât la redazion dai tescj di **Elisabetta Ursella** e **Linda Picco**, e **Massimo Garlatti Costa**, il registre produtôr de Raja Films.

SCOLTADIS DI DRIUS

Masse salût

Me agne, convinte di vè duc' i mai di chest mond, une volte jà dite al miedi: "Dotôr, e son plui di cuindis dîs ch'ò stoi ben, ao di preocupami?".



Euronews informa

Cu la Polizie provinciâl a un pas dal cîl

E va indenant la colaborazion cu la Scuele mezane di Paluce par meti in vore il percors di educazion ambientâl

Cuntune escursion indreçade ai ambients de alte montagne e a la scolte dal bramît dai cief, e à tornât a tacâ la colaborazion tra la Provincie di Udin e la scuele mezane di Paluce.

La jessude a à interessât i fruts di seconde medie che, l'an passât, a àn imbastît la mostre "Naturalmentri Friûl: piçul ma grant". A son stâts compagnâts inte zone di Pramsoio dal maressial Paolo Bulfon e dal agent Massimo Ragonese de Polizie provinciâl, adun cu lis docentis Alessandra Giorgessi e Francesca Maieron.

"La fadie di lâ su, a àn metût in evidence i partecipants, e je stade compensade de viste di un mâr di nûi, cu la



sensazion di jessi a un pas dal cîl". Ma no dome chest. E je stade ancje la pussibilitât di viodi diviers ciefis e scoltâ il lôr bramît. Une bieles sorprese e à rivuardât il svol di un

magnific esemplâr di acule reâl. Ma ancje un incuintri, a un tac, di une lipare berus.

Il percors di educazion ambientâl al tint difondi tra la mularie de valade de Bût la cussience dal valôr de biodiversitât e lis dretis che a ispirin la "Rete Natura 2000", che e ten di cont e e presece une part significative di lûcs cjapâts dentri dai comuns di Çurçvint, Liussul, Paluce, Ravasciêt e Trep di Cjargne.

L'an passât, lis scuclertis e lis cognossincis dai students, a son stadis presentadis intune mostre didatiche e tal percors "Giardino evolutivo", realizât tal curtîl de scuele. Gracie a la colaborazion dal "Cesfam" di Paluce, a son stadis ilustradis lis tapis plui impuartantis di adatament e di evoluzion dai vegjetâi, a la conquiste des tieris vignudis fûr dai mârs.

Chest an, dongje a la escursion a Pramsoio, a son previodûts incuintris cui esperts, che a presentaran lis lôr cognossincis; in particular a comunicaran e trasmetaran la lôr passion pe nature e pe bielece dai lûcs dulà che i fruts de valade de Bût a àn la fortune di vivi.